


**HIERONYMI
DONATI ...
APOLOGETICUS AD
GRAECOS DE
PRINCIPATU...**

Girolamo Donati



HERONIMUS
DONATI PATRIS
LITTERARUM
GRÆCÆ
DE PRINCIPALI
ROMANÆ
SÆCULI.



CLEMENTI SEPTIMO

PONT. MAX,

PHILIPPVS DONATVS.

S. P. D.

Hieronymus Donatus pater meus, si non admodum amplam mihi fortunam hæreditatem, non exiguam tamen inter cæteros huius ætatis viros nominis sui celebritatem reliquit, quam sibi ipse cum Remp. optime gerendo, tum aliquid semper erudito homine dignum scribendo, peperit. Hæc enim duo ita coniunxit, ut nec domi, nec foris unquæ studia optimarum artium intermiserit. Inter cætera uero monimēta tum ingenii eius & doctrinæ, tum pietatis, extat libellus hic de principatu Romanæ sedis. Quem quum in Creta insula Reip. Venetæ nomine, supremum gereret magistratum, græce primum scripsit, deinde quum quartum Romæ legationis munere fungeretur, latinum fecit. Quanquæ autem is liber ad reprimendam Græcorum insolentiam conscriptus fuerit, pari tamen ratione ad confutandam illorum impietatem plurimum ualet, qui nostris temporibus authorita-

A ii

tem Romani Pontificis imminuere conati sunt. Ostendit enim Romanam Ecclesiam, cui tu merito præes, diuina authoritate principem locum obtinere. Qua de re & si alii multi fortasse nimis multa scripserunt, ualde tamen opportuna hoc tempore mihi uisa est huius opusculi æditio, quod authore iam pridem uita functo, prodeat in lucem, cuiq; obicere aduersarii non possint, quod in gratiam Romani Pontificis conscriptum sit. Huius autem libelli stylus & character non is est, quo in orationibus & epistolis uti solebat, luculentus uidelicet ac perpolitus, sed æquabilis potius ac temperatus, quali se de industria usum in tradendis iis, quæ ad religionem pertinent, q̃ sæpissime præfatur. Amant enim hæc nostra Christiana simplicitatem quãdam orationis, neq; possunt eloquẽtiæ corpus excipere, aut si possunt, non debent. quædam etiam nobis occurrunt explicanda, quæ quum apud ueteres in usum non fuerint, nouis ea uocibus significare necesse est, nisi uelimus cuiusdam grammaticæ deliramenta, & ineptiolas imitari, qui dum in exprimendis rebus nouis, uetusta uocabula, & priscas elocutiones exquirat, id agit, ut minime intelligatur, ueluti quũ deiectum e Pontificatu quempiam significare uult, eum redactum in ordinem dicit, quum tamen multi e Pontificatu deiecti fuerint, qui postea in ordine summorum Antistitum non fuerunt, aut quum forte illud ex

plicandum occurrit, legatos obstrinxisse se Pontifici
Maximo parituros in iis, quæ ad religionem spectant,
eos se ad authoritatem Pontificis Maximi contulisse
scribit, quod tamen ab altero longe diuersum uide-
tur. Sed hæc illi uiderint, quibus abunde otium
suppetit. Reliquum est, ut libenti animo hunc libel-
lum accipias, qui nunc primum tuo felici auspicio
in lucem prodit. Nam quum quinto ante anno li-
brum de processione Spiritus Sancti contra Græcos
a patre scriptum in Græcia Leoni Decimo Pont.
Max. patri tui tuo dederim, dicauerimque, obseruan-
tiæ in familiam uestram, pietatiq; erga te meæ con-
sentaneum fuit, ut te quoque munusculo aliquo don-
narem ac uenerer. Nullum autem munus magis
te dignum uidebatur, quàm quod ad tutelam reli-
gionis & ad maiestatem Romanæ ecclesiæ pertine-
ret. Aequum enim censui fore, ut quemadmo-
dum tu omni ope eniteris corruptos Christiano-
rum mores ad pristinam integritatem reuocare, pa-
cem inter Reges constituere, Christi hostes delere,
ita præclara hæc tua studia eruditorum uirorum
laboribus adiuuentur. siquidem non parum ad com-
munem concordiam facit, animorum consensio
in iis, quæ ad religionem attinent, nec quicquam
potest caput ad beneficium corporis conferre, nisi
cætera membra conspirent. Quamobrem exora-
tum te uelim Clementissime Pont., ut quum grauis

suma negotia, quæ sustines, paulisper intermiseris,
libellum hunc perlegas, tuoq; plausu & fauore non
indignum censeas. Lætabuntur enim parentis mei
manes, si persenserint hos labores, quos pro digni-
tate Romanæ Ecclesiæ susceperat, tanto Pontifici
non ingratos fuisse. Vale.

HIERONYMI DONATI
DE PRINCIPALI
QVISQVIS ES, SIVE IMPRESSOR,

siue Bibliopola, caue libellum hunc,
aliosue quoslibet in Francisci Minitii
Calui officina libraria primum excu/
sos, excudendosue, intra proximum
decennium uspiam gentium impri/
mas, uel ab aliis temere forsan impres/
sos uendas. hæc enim seuerissimo edi/
cto uetuit bonarum artium fautor Cle/
mens. VII. Pont. Max. quique secus fe/
cerint, eos non modo in singula uolu/
mina denis aureis multari, uerum &
Christianorum commercio, atque
aqua, & igni interdici uoluit.

Vale, & uide, ne inuidus negotium
tibi faceffas, bene memor nullam

ESSE SCELERVM IMPVNITATEM.

ESSE SCELERVM IMPUNITATEM.

Epistola, hanc innotuallat
Vale, & vide, ne amicus regnum

apud & igni interdicti uoluit.

Christianorum commercio, apud

mina deus autis multat, utrum &

occurt cor non modo in singulis uoluit

notat, VII. Pont. Max. quidus secus se

sto occurit potantur autem fanoz Ele

lia terna, hanc enim fessum est

ingit, ut ad illis tunc forsan impet

deceperunt uisum gentium impet

for, excedit hanc, inter promissum

Calm officio libris primis eum

alioque quodlibet in Francisci Minuti

hanc bibliotheca, eam librum hanc

QVATVIS ES, SIVE IMPRESSOR.

HIERONYMI DONATI.

DE PRINCIPATV

ROMANAE SEDIS

AD GRAECOS.

Christus saluator noster apud Lucam Euāgelistam de fidei perfectione differens, in parabolis suo more nos docuit, quo pacto posset fides inconcussa persistere, dicens eius ædificium, quod ex auditu uerbi, & functione operis constat, super Petram fundari oportere, ut nullius irruentis fluminis impetu possit concuti, quia sine fundamento sit, quicquid aliter super terram, aut arenam struitur, in quod impetum fecit fluuius, & confestim cecidit, & facta est (inquit) ruina domus illius magna. Quod præuidens idem ipse Saluator, qui ad reparandam, instaurandamq; generis humani cladem, formā serui accipiens se ipsum exinaniuerat, ad ædificandam fidelium ecclesiam omnes quidē Apostolos, sed ipsum in primis Simonem Bariona ex piscatura piscium ad piscaturam hominum conuertit, & subinde mutato nomine Cephan, idest Petrum appellauit. neq; tamē sic appellasse contentus est, sed eodem contextu sermonis grande mysteriū appellationis explicuit, non iam in parabolis, aut ænigmatibus, sed nudis uerbis.

atq; apertis, & sensu apertiore concludens, tu es, inquit, Petrus, & super hanc Petram ædificabo Ecclesiā meam, uulgatum elogium, & tritum uulgo ad explicandam sedis Apostolicæ prærogatiuam. sed petra hæc ex recta coniectura nihil aliud est, quam fides illa quam Paulus Apostolus asserit esse ex auditu, per uerbum Christi in euāgelica lege Apostolis tradita, quorum deinceps in omnem terram, hoc est in omnem Ecclesiam sonus exiuit. pro quibus Patribus nati sunt Ecclesiæ filii, qui eam, & scriptis, & moribus, & sanguine roborarunt. Doctores simul uerbis, & exemplis, qui omnes mundi principes posthabuerunt, & contempserunt, solum Deum timuerunt. Ex his ergo patribus, quos ad constituendam Ecclesiam Christus elegit, Petro traditus est principatus, id quod & in cœlo & in terris, & in omni bene instituto conuentu necessarium est. Primus in ordine Petrus a Christo uocatus est, quem petram fundamenti Ecclesiæ nominauit & statuit, cui præcipue triplicata asseueratione ut suas pasceret oues, iniunxit. pro quo Saluator ipse se Deum rogasse testatus est, ut eius non deficeret fides, cui etiam ad se conuerso mandauit, ut alios in fide firmaret. hoc enim illi primum, & præcipue incumbere uidebatur, in quo Christus fundamentum fidei & nomine, & re statuisset. Petro sane ad littus maris proficiscenti idem Saluator, mitte, inquit, hamum, & salientem tibi primum piscem tollens, aperiens os eius inuenies statuerem, hunc dabis pro te & me. Magna proculdubio

hæc quoq; dignitatis prærogatiua censenda est, ut
Christus Rex cœli, & terræ, qui secundum hominem
Augusto subiici uoluit pro se tantum, & Petro inter
cedente tãti miraculi occasione indiuisum tributum
solueret, solus Petrus calcante maris undas Christo e
nauicula profilit Christi dextra subleuatus. Huic er
go Clauēs dedit, quibus iuste, ac recte ligaret, & solue
ret, quem solum, cum surrexisset a mortuis, nomina
tim Petrum dici uoluit non contentus cōmuni nomi
natione Discipuli. Ite, inquit, dicite discipulis eius, &
Petro. Hæc omnia ex Euāgelica recitatione collecta,
dignitatis, & præminētix prærogatiuæ sunt, quæ ex
dispensatione diuinæ bonitatis, idem præseferunt in
Simone Bariona, qui mutato nomine uocatus est Pe
trus, in quo fundata Ecclesia nō cecidit, sed ab omni
torrente hæreticæ prauitatis incōcussa persistit. Ec
clesiæ autem malignantiū, impiorumq; conuenticu
la, quæ super hanc petram fundamentū non habuere,
impetum fecit in ea fluuius, & confestim ceciderunt,
& irreparabili ruina prolapsa sunt. omnes enim hære
ticorū pseudoecclesiæ prius inter se multis scissuris
diductæ tandem in Maōmethanici furoris tenebras
inclinarunt, nam & Arrhii, & Sabellii, & Nestorii, ac
Macedonii conuenticula, quia super hanc electam a
Christo Petram firmari noluerunt, ceciderūt, & cor
ruerūt, sed Romana proculdubio Ecclesia Petri Apo
stolorū principis sanguine consecrata super petram,
quæ a Christo electa, & posita fuerat, iactis fundam
entis immota permanet. Non scinditur in re fidei.

licet aliquando in humana infirmitate fluctuet, atq;
agitetur, neque Christianorum populorum, & prin-
cipum mutua inter se odia, neque successorum Petri
studia a testamento plerunq; Christi Saluatoris alie-
na, plena turbinibus, plena seditionibus, plena per-
ditis, ac pessimis exemplis iactum a Christo funda-
mentū inuerrere potuerunt, quoties per diuersa tem-
pora in hoc ædificium irruit fluuius, & insolenter im-
perum fecit torrens iniquitatis, & abstulit eius appa-
ratum, ac spolia, ædificium uero immotum, incon-
cussūq; ex fundamētis sola uirtute seruatū est. Quid
mihi o Græci sacerdotes ex latinis etiam historiis ne-
faria scelera, & perditos mores Romanorum Ponti-
ficum (quoties de hac re mihi sermo uobiscum inter-
uenit) accumulatis? fuerunt hæc hominum uitia non
dignitatis, quæ imputari sedentibus, non sedi debēt.
An ego nūc a Senatu Veneto Cretæ huius uestre insi-
gnis prouinciæ potius, quam insulæ Dux constitutus
sū (id quod auertat Deus) minus uobis & iustus, & cō-
stans sim, & contra Dei & Senatus mei professionem
neque in ueritate, neque in mansuetudine, neque in
iustitia uobis præsim, ob id non me Cretæ Ducē exi-
stimabitis? Imputanda sunt hominibus, non dignitati
bus uitia, ideoq; catholica, & rectè instituta Ecclesia
Christum Saluatorem nostrum etiam in malis Ponti-
ficibus uenerata est, quibus non succēset, aut indigna-
tur, sed honorem præstat, & tolerat, & siue boni, siue
mali sint, pro eis quotidie atq; incessanter Christum
rogari uult, non ut auferantur, non ut mutantur, non

ut pereant, sed ut det illis uerbo & exemplo, quibus
præ sunt, proficere. Hoc autem nihil aliud est, quam
rogare, ut petra Ecclesiastici fundamenti cum toto
ædificio inconcussa seruetur. dixit enim Christus in
Euangelio, Irruit fluuius in domum illam & non po-
tuit eam mouere, fundata enim erat super petra. De-
finite ergo Græci patres imputare latinis, quod seden-
tem in Apostolico throno quencūq; Pontificem ue-
nerentur, neq; nobis malas artes, & uiolentas, ac mer-
cenarias electiones obiicite. Tales nos Antistites exci-
pimus, quales nos Christus habere uult, ad quem, si-
quid indigne patimur, prouocamus, in iis præsertim,
in quibus diuinæ, non humanæ potestatis uicem ge-
rit. Fuerunt sane per diuersa tempora & in orientali,
& in occidentali Ecclesia schismata, & turbines, & præ-
terea mores Antistitum perdit, ac pessimi, ab omni
Christi professione penitus abhorrentes, quæ pro-
culdubio Christus mala cuncta præuidit, atq; prædi-
xit, quæ non debemus Christo, neque eius dignitati,
sed nostris criminibus, ac malis meritis imputare. abū-
dabit (inquit) iniquitas, refrigescet charitas, quæ in uo-
bis Græci patres (ut loquar libere) non tantum mihi
refrixisse, sed penitus gelu quodam falsæ suasionis
obdurata esse uidetur. Nonne aduertitis, quod hæc
ipsa, quæ Romanæ Pontificiæ sedi per conuitia, &
contumelias obiicitis, nihil aliud sunt, quam fluxus &
impetus eius fluuii, de quo Christus dixit in Euange-
lio, facta autem inundatione impetum fecit in domū
illam fluuius, & non potuit eam mouere, quia super

petram erat ædificata, non dixit Christus non uenturam tempestatem, non futuram inundationem, & impetum fluminis, etiam in hoc a se fundatum ædificium non uenturum, sed his superuenientibus id inconcussum, atq; immobile futurum. Petri quoq; Nauicula, eademque in primis Christi, sæpe agitata fluctibus est, & impulsâ procellis atq; turbinibus, nūquam tamen demersa est, sed semper euasit tempestatem. Petra ergo fundamenti, irruentibus malis hominum studiis, malis artibus, malis moribus non concussa, nō ablata est. Certauerunt inter se studia nequitiae, & infirmitatis humanæ, fide Christi incolumi, quæ licet actu, & opere sæpe defecerit, deficiatq;, habitu tamen & facultate non deficit. quæ si seruata non est in toto corpore, seruatur in partibus, si aliquando defecit in capite, permansit in membris, neq; ullus unquam Romanus Pontifex adeo potuit esse peruersus, & discolus, ut Latini, atq; occidentalis uniuersa Ecclesia hac in parte a fide recta aberrare uoluerint, ut Petrum & Apostolorum principem, & uerum Christi uicarium in omnibus Ecclesiis, in toto terrarum orbe non crederent, id quod uos nunc ambigitis, & in contentionem uertitis, ne Romanos eius successores Pontifices primatum Ecclesiarum tenere, fateri cogamini. Sedeant in sede Petri, boni, & mediocres, & mali & perdit, modo nō sint hæretici, & a Christi fide, professione mentis alieni, Sedes una, & prima in Apostolica dignitate creditur. quam sequantur oportet qui Christum sequuntur, ne in ædificio alio se recipiāt, quod a solido

petræ fundamēto deficiens præcipitetur, & corruat,
quale fuisse animaduertimus Nestorii, Macedonii, Eu
tychis & Macarii, qui repudiato fundamēto Romani
& Catholici culminis cum eorū male ædificatis Ec
clesiis, ruina irreparabili conciderūt, in ea quasi clade
permisti, cum qua Draco ille tertiam partem stellarū
traxisse legitur. Sed quid ego nunc Græci Patres de
hac uestra orientali Græca Ecclesia dicā? in qua pro
culdubio de Christo Saluatore nostro sana, & recta
sentiuntur, sed in eius fundamento nescio quo pacto
electa a Christo petra concutitur, labat, & in ruinam
prominet. Petri sedem non agnoscit, non ueneratur,
odio, & falsa suasionē prosequitur. Phocianas uiperas
in sinu gerit, semina discordiarum, & dissidii fomi
tes nutrit, occasiones non solum obuias amplectitur,
sed exquirat, & excitat, intercedentibus iis, qui se Ca
tholicos nūcupari nolūt, a Romana Ecclesia se pror
sus abiungit, & Petram fundamenti, de qua diximus,
modo remouet, modo reponit, dū toties recōciliata
nouis semper crabronibus irritatur, & Dei potestati
cum magna sui iactura resistit. cum sic ergo in huius
uestræ Ecclesiæ ædificio Christi Petra translatis sit,
non firmata, non stabilis, non mediocri facta iā scissu
ra dehiscit, & prominet in ruinā, nisi Dei gratia & ele
mentia subleuet. proh dolor, Constantinopolitana illa
sedes uestra quo deuenit? sedes tanti nominis, tātæ di
gnitatis, cuius p̄clarissimū illud tēplū prophanis pe
dibus calcāt, seruit p̄phano cultui, quæ Christo dica
ta est, Patriarchalis illa sedes, quæ Romanū Pontificē

successorem Petri, & Christi uicarium modo negat,
modo fatetur, modo ambigit, uas prope facta est in
opprobriū infidelitatis. luxata iam in eius fundamen-
to petra, & pene conuulsa est. ædificium quatitur, &
pene tendit in præceps. nunc a sacerdotibus uestris
Patriarchalis dignitas a Maomethanico Imperato-
re facta licitatione indicatur, & emitur, & hos Patri-
archas, atque Antistites Christi Ecclesiæ nūcupatis
quos elegit Sathanas. istos plebs stupida, & ī suis erū-
nis attonita, & ueritatis ignara a Deo electos existi-
mat? his obsequitur? his omnem fidem mancipant? &
cum sua libertate tributariam etiā Christi fidem, &
captiuam tenent? Propterea fortasse tolerabiliore eor-
um impudentiā existimauerim, qui sub infideli tyrā-
no inuiti degunt, sed qui dei clementia ab eo iugo
seruitutis liberi sunt, minus uenia digni sunt, in maius
crimen incidunt, & grauius iudicium expectant.
Quæso Græci patres quid mihi Nicænū symbolū in
secunda Cōstantinopolitana synodo ampliarum sem-
per extollitis? & in uestram de sancti Spiritus proces-
sione sententiā, uelut quoddam fidei uexillum expli-
catis? hoc quoq; nos excipimus, laudamus, extolli-
mus. Atqui nonne in eodem symbolo & credere &
adhærere catholicæ Ecclesiæ iubemur? quænam, aut
ubi est ista catholica Ecclesia, quam membra habere
conceditis, & caput habere recusatis? profecto si ha-
bet membra, caput habeat necesse est. labāt enim, ne-
que cōsistunt membra sine capite. Vbi quæso in Græ-
cia eius caput? ubi membra? ubi corpus? an uero dicet
quispiam

quispiam hanc esse uniuersalem Christi ecclesiam,
cuius caput, & princeps a principe infidelitatis, a
persecutore Christiani sanguinis eligitur? seu potius
a Belzebub principe dæmoniorum? Hanc ne uniuersalem Christi Ecclesiam uocabimus, in qua Clerus, &
sacerdotes nuncupari se Catholicos nolunt? quia sedes Romana catholica est. Hanc ne uniuersalem Christi Ecclesiam esse dicemus, quæ in paucis regionibus, atq; insulis Græciæ coarctatur, plena hiati-
bus, plena scissuris, derelicta a spiritu sancto? cuius uera dona iam in ea populata, & extincta sunt, ubi iam in ea est studium sapientiæ, ubi cognitio Theologiæ, ubi doctrina sacrarum scripturarum, ubi dogmata Christianæ religionis? pro dolor, illisus est in eam fluuius, & facta est eius ruina miserabilis, quia Petram illam a suo fundamento dimouit, quam suæ domui fundamentum esse Christus uoluit. Resipiscite ergo Græci Patres in bonam, & dignam Christo mentem, uestros animos reuocate, ueram cathedrâ œcumenici Pastoris agnosce-
te, quem unum omnium, & primum Christus instituit Petrum, petram ædificatæ fidei, cui principatû Ecclesiæ & clauis contulit aulæ cœlestis, quæ in Romano solio cû suis successoribus sedere uoluit, ut in eo fastigio posset cōspici dignitas Christi, in quo totius orbis imperium excelluit. in quo mystice temporalis dignitas spiritalem proculdubio præmōstrauit, in quo ad hanc diem orbis terrarum Imperatores, & principes uero cœli & terræ creatori, ac humani generis Redemptori nostro colla submittunt, & zelo

Religionis , ac fidei sedentem in eo legitimum Petri
successorem in Christo colūt, & uenerātur. Sane uero
non immerito ibi prima Petri sedes colitur, ubi cru/
cifixus est Petrus, ubi capite truncatus est Paulus, sub/
ortis mox nouo miraculo tribus in arido solo fontib/
us, quæ ad hâc diem usq; scaturiūt, ubi infinita pro/
pe sanctorum Martyrum cadauera Christi fidem suo
testimonio firmauere . ubi maxime Christi professio
ab impiis persecutoribus crudelissime cōculcata est;
ubi tot tormenta , tot cædes , & tam grandis effusio
sanguinis Christo dicata est . ubi tot Christianorum
mancipiorum manus attritæ sunt, aliæ ad fodiendam
arenam , aliæ ad extrahendos & incidendos lapides ,
aliæ ad importandam materiã , aliæ ad secanda , ac
polienda marmora condemnatæ. ex quibus falsæ reli/
gionis, & dæmoniorū templa, & persecutorū Christi
balnea , & palatia enituerunt . quibus omnibus non
multopost Dei iudicio lapsis euerisq; , Christo , &
sanctis Martyribus rediuiuo opere tēpla dicata sunt.
In eo potissimum loco triumphalis Christi sedes po/
sita est, ubi in primis conculcata, & deuicta gentium
idola , ubi Deus potentes de sede deposuit, & humi/
les exaltauit, ubi Christus princeps pacis, & mansuetu/
dinis pater futuri sæculi Petrum successorem, & Vica/
rium quasi in orbis terrarum specula promulgauit.
Sed uideo uos hoc loco Græci patres insurgere , &
quod mihi sæpe obiicitis, renouare, nō fuisse dignos
plerosq; post Syluestrum, Pontifices sceleribus, & cri/
minibus obsessos , qui in tanta sede conspicerentur.

Quid mihi in idem reciditis ? non Christo, nō Petro,
nō eius sanctissimæ sedi, sed humanæ infirmitati suc-
censeamus, succenseamus nobis ipsis, orientali dico,
& occidentali Ecclesiæ. succenseamus iniquitati no-
stræ, irascamur aduersum delicta nostra. culpa omnis
contaminati, & infecti ouilis est, quod fortasse non
meruit meliores habere Pastores. Nam & diuino iudi-
cio in populos hoc pacto mala circumagi, & debac-
chari permittuntur. Esaia Propheta adstipulante,
cum ait. Constitutam adollescenteis principes eorum,
& effoeminati dominabuntur eis, & concidet popu-
lus, uir ad uirum, nihil autem refert moribus, an æta-
te adollescentem haberi. nam senilis morum adole-
scentia detestabilior est, & ad subiectos populos lon-
ge perniciosioris exempli plurimorū causa malorum
est. Christum ergo Græci Patres Saluatorem nostrū,
qui, & in infantia, & in adollescentia, & in iuuentute
præ se tulit uenerabilem, & diuinam senectutem, una-
nimiter, ac suppliciter simul Græci, ac Latini prece-
mur, ut Christiano gregi similem sibi (quantum fieri
potest) & dignum se Vicarium uobis, & nobis insti-
tuat, & qui orientalis etiam magis quam occidentalis
Ecclesiæ curā habere uelit, præsertim infelicis huius
uestre Græciæ, ut det illi non solum recta, ut facit
semper de Christo sentire, ac sapere, sed ut de carne
uestra cor lapideum auferat, & cor carneum reponat,
& charitatis suæ gratiam in sancto eius spiritu largia-
tur, ut sicut de Christo sana, ac recta sapitis, ita in sede
a Christo dicata Petrum œcumenicum pastorem,

& successores eius ueneremini, ut Deus idein & Dominus noster Iesus Christus in ea semper summos Pontifices constituat, atq; instituat, non quales debentur peccatis nostris, & uestre in hac parte pertinacie, & (quod iuitus dico) apostasie, sed quales Paulus ad Titum Cretensem Antistitē scribens cōmendat, & instruit, id quod sæpe Græci Patres pleriq; ex uobis in conuitiū Romanorū Pontificū adducūt, dum in alienis oculis festucā, in propriis trabem non inspiciūt, & inflatis buccis, atq; elato supercilio hæc ipsa uerba Pauli Apostoli proferunt. Oportet Episcopum esse, sicut Dei dispēsatorē, non contumacē, non iracundū, non uiolentū, nō percussorem, non turpis lucri cupidum, sed hospitalē, benignū, prudentem, iustum, sanctum, continētē, & reliqua. Non dissentimus hac in parte uobiscū Græci Patres, & talem in omni Ecclesia proculdubio esse debere Episcopū affirmamus, siue ea Græca, siue Latina sit, siue in oriēte, siue in occidente constituta. hæc præfinitio, hæc uitæ norma omnibus Episcopis conuenit, hoc uelut in albo Episcopali, uelut Prætorio edictū proponitur, præsertim summis Pontificibus, qui tanto amplius lucere debent, quanto magis sunt in candelabro altiore conspicui. Rogemus igitur iterum atq; iterum, & enixis precibus obsecremus, ut tales nobis semper Deus Pontifices tribuat, quales Pauli uerbo cōmendantur, quales ipsi fuere Petrus, & Paulus. quorum licet alter negauerit, alter persecutus Christum sit, alterum tamen Petram Ecclesie, alterum Doctorem orbis ter-

rarum, & gētium omnium fuisse, non negamus. Quod
si tales non habentur interdum Pontifices summi,
quales Ecclesiæ immaculatæ Christi sponsæ debentur,
imputetur (ut dictum est) sceleribus nostris. Non
ob id, qui a Deo nobis datur summus Pontifex, inho-
norandus, aut ludibrio habendus est, sed colendus, &
uenerandus. Malus homo non minus homo est, quia
malus est, neq; item Sacerdos malus minus est Sacer-
dos, quia malus est. Noe pater ebrius minus pater
est: ueneranda dignitas, damnandi mores sunt, neque
tam damnandi, quam obtegendi, ut imitemur bonos
filios, quorum est patris pudenda non detegere, sed
operire. Summus ergo Pontifex o Græci patres non
ob id non est Pontifex, quia peccator sit, sicut neq;
alius quiuis sacerdos, qui scelestus etiam & malus cū
sit, & manum bonis imponit, & in altari consecrat, &
uere sacerdos est, & minister Christi, sicut omnes
etiam Græci doctores asserunt, præsertim Ioannes
uester Damascenus in libro illo quem περὶ ἀκράτου
μυστηρίων, hoc est de immaculatis mysteriis ædedit.
Summus ergo Pontifex solus Christus absq; peccato
est, cæteri Pontifices quamuis sanctissimi, & beatissi-
mi propter honorem Christi nuncupentur, si se dixe-
rint absq; peccato, se ipsos seducent, & ueritas in eis
nō erit. ex hominibus enim assumpti sunt teste Paulo
Apostolo ad Hebræos scribente, & dicente, omnis
Pontifex ex hominibus assumptus pro hominibus cō-
stituitur in his, quæ sunt ad Deum, ut offerat dona,
& sacrificia pro peccatis, qui condolere possit iis.

qui ignorant, & errant, quoniam & ipse circumdatus
est infirmitate, & propterea debet quemadmodum
pro populo, sic & pro se ipso offerre pro peccatis. so
lus ergo o Græci Patres Christus summus & supre/
mus Pontifex absq; peccato est, quia non ex homini/
bus assumptus est. quomodo enim assumi potest, aut
eligi ex hominibus is, qui creator hominum est, & ue/
rus Deus? in suo sacerdotio, non rei alienæ minister,
sed dominus ac largitor propriæ facultatis, qui se
ipsum tradidit pro nobis, simul Deus, simul homo, si
mul Pontifex, & Sacerdos secundum ordinem Mel/
chisedech. Sacerdos non temporalis, sed in æter/
nūm, & ideo solus absq; peccato, de quo inquit Pau/
lus. Non enim habemus Pontificem, qui non possit
compati infirmitatibus nostris, tentatum autem per
omnia secundum similitudinem absq; peccato. carnē
enim assumpsit, non ut peccaret, sed ut in ea peccatū
extingueret, in qua factus homo, ut facilius etiam, &
promptius posset hominis misereri. Accedamus ergo
confidenter omnes simul Græci, & Latini ad thronū
gratiæ sempiterni, omnipotētisq; Pontificis domini
nostri Iesu Christi, eumq; effusis ex intimo corde pre
cibus obsecremus, ut misericordiā, & gratiam in op/
portuno auxilio consequamur, ut & uos & nos dignos
faciat tali Pastore, quē petitis, atq; exoptatis, qui non
solum & iustus, & sanctus, & continēs sit, quemadmo/
dum paulo ante ad Hebræos loquens Paulus, Pontifi/
cem esse debere contendit, sed ut idem Paulus ad Ti/
tum scribens ait, Is sit, qui amplectatur eū, qui secun-

dum doctrinam, & fidelem sermonē, ut potens sit exhortari in doctrina sana, & eos qui contra dicunt, arguere, & quia nouerat Paulus non solum Pastoris, sed gregis officiū. frustra est enim bonus pastor, ubi ouile regi non uult, & frustra bonus medicus, ubi æger me dico obsequi pertinaciter recusat. ideo subdit dicens, sunt enim multi inobedientes, uaniloqui, & seductores, maxime qui de circūcisione sunt, quos oportet redargui, qui uniuersas domos subuertunt docētes, quæ non oportet turpis lucri gratia. fuerunt enim per ea tempora per omnem Græciam maxime uero Titi Aristitis Cretensis temporibus in hac uestra insigni, & celebratissimi nominis Creta insula immisti Ecclesiis, inobediētes, uaniloqui, & seductores, contra quos Paulus illo Simonidis poetæ Cretensis antiquissimi carmine inuectus est.

ἄλλοις ἀπὸ τῆς Κρήτης, κακὰ βελία, τὰς ἐλπίδας ἀπώλῃ. idest Cretensis mendax, mala bestia, tarda q̃ uētre. Neq̃ tamen hoc dictum passim in omneis Cretensibus putari debet, sed potissimū in Iudæos eo tempore Cretam incolenteis, qui ex circuncisione se ad fidē Christi cōtulerant, & ideo dixit seductores maxime qui de circūcisione sunt, post quæ uerba cōfestim illud carmē adduxit, sed utinam etiam his temporibus eiusmodi morbo prorsus Creta uestra careret. sunt enim (id quod inuitus cogor dicere) Græci patres ex sacerdotibus uestris nonnulli seductores, qui ea, quæ in fide sana non oportet, profitentur, & suadent, & amorem, atq̃ unitatem Ecclesiarū odio prosequuntur, Sedem

Petri, de qua tot diximus, non solum primam abne/
gant, sed conuitiis & blasphemii insequuntur, contra
Latinos semper latrant, & simpliciores in odia, & di/
scordias excitant. Rogemus ergo Christum, ut talem
Pontificem habere possimus, qui non solum fidei ser/
mone potens sit, istos homines in doctrina sana exhor/
tari, & arguere, sed qui tandem misereatur orientalis
Ecclesie calamitatis, & compatiatur iis, qui ignorant,
& errant, qui nullum neque in Petro Apostolo, neque in
Romana sede preeminentie dignitatem esse contem/
dunt, neque se se illi subdi ullo pacto uolunt, sed con/
tumaces, ac refractarii pugnis aerem uerberant, & con/
tra stimulum stulte calcitrant. Pro quibus etiam in pri/
mis rogandus est Deus, ut conuertantur ad cor, ut sum/
mus Pontifex eorum inscitie, & inobedientie non re/
miniscatur, malum pro malo non reddat, sed pro iis, &
pro nobis, et pro se ipso sacrificium offerat. Oro, ut
duritiem istorum cordis emolliat, et ipse etiam depo/
sitis, ac solutis humane infirmitatis fasciculis depri/
mentibus, preter honorem, quem Christi Vicario de/
betur, suo etiam merito, ac uirtute sit uenerandus, &
Christi in primis clementiam, ac mansuetudinem imi/
tetur, sitque pro calamitate Gracie, & pro multorum
errore sollicitus, & sedens in Christi solio, animarum
salutem sitiat, quam Christus sitiuit in cruce. Rogemus
Deum, ut talis nobis detur Pontifex, qui non in con/
cupiscentia humana, non in diuitiis temporalibus, sed
in potenti manu Dei Græcam Ecclesiam de manu in/
fidelis lupi, ac latronis eripiat, eamque a seruitute libe/
ret, quæ

ret, quæ culpa sua fortasse patitur, & in qua bonis omnibus corporis, & animæ spoliata ē. Rogemus, ut talis nobis detur Pontifex, qui captiuitatē Christiani gregis, cuius magna uestra pars est, a tyrannide atque oppressione uendicet, & occidentalium populorum, ac principum pace composita, ad miseram ouium oppressarum (ne dicam amissarum) calamitatem uertat animum, uendicet Christianum sanguinem, qui toties nostris temporibus, & super terrā, & super maria effusus est, liberet Orientis Ecclesias, & labantem sub earum fundamentis Christi petram instauret, atque cōfirmet, ut eas demum opprimere desinat per uim, & potentiam Maomethanicus Pharaos, & per uoluntariam cordis duriatē perditus Sathanas, qui uobis hanc a uero Pastore apostasin, & defectionem suadet, & stimulis agit, excitat, irritat, ut semper magis aucto formite discordiarū, uestra liberatio aut omnino impediat aut prorogetur. Profliganda est igitur, Græci Patres, hæc contra Apostolicam sedem suasio peritiosa, quasi per manus tradita, & collocanda in arce rationis, & ueritatis omnis cogitatio, ne dum contrariæ opinionis obsequitur, periculum forte sit, ne in maius crimen incidatis. Nam si Romano Pontifici obedire nō uultis, ne hac in parte etiam cum Latinis, & Occidentilibus sentiatis, caute ne Christianos quoque uos non esse probetis, quia Latini Christiani sunt, & quia Christum in Petri successoribus uenerantur. Profecto illud uerissimum est uetus adagium, ut in corporibus, sic in Imperio grauissimum esse morbum,

qui a capite prouenit, & cōponi solere ad mores prin-
cipis omnem ciuitatem. & ideo illud inter cætera in
nostris Latinis Ecclesiasticis legibus scriptū est. Om-
neis, qui Christianis plebibus præsunt, dignos esse tot
mortibus, quot ad subditos perditionis exēpla trans-
mittunt. Non negamus plurima in occidentalibus Ec-
clesiis haberi, quæ & emendatione, & reprehensione
dignissima sunt, quibus utinam etiam Oriētales Eccle-
siæ uestræ carerent. passim in quouis genere hominū
humana peccata crassantur, quæ emendari possunt,
prorsus tolli non possunt, & optime deceditur cū iis
diuina clementia, qui non boni, sed minus mali dici
possunt. Utinam non essent illa nimis omnibus cōmu-
nia, & nostris, & uestris incommoda, quæ plus turpi-
tudinis, minus perniciēi, plus infamiæ, minus culpæ
afferre dicūtur. Sed illa, o Græci Patres, nonnullis ex
uestris nimis facilia, nimis prompta, nimis etiam pe-
culiaria sunt, dum Caput Ecclesiæ negant, aut negli-
gunt, Dei ordinationi resistere, Euangelicis authori-
tatibus contradicere, & Sanctorum, ac doctorum pa-
trum decretis, atque sentētiis aduersari. Legi ego hic
apud uos permultas uestras historias, alias grāmatica,
alias uulgari græca lingua conscriptas, a temporibus
Gratiani, & Theodosii, usq; ad tempora Michaelis, &
Basilii, quaterdecies excitata dissidiorum incēdia sunt
semper fere culpa nonnullorum Constantinopolita-
norum Antistitum, qui eos fomites nutriebant, ut au-
ctis per uarias occasiones dissidiis, Græca Ecclesia Ro-
manæ nō cederet, & noua Roma Veteri debitos ho-

nones non impenderet. Nolo uobis historias recēdere,
præsertim, quod satis superque in iis libris quatuor,
quibus abūde uobiscū nuper de Spiritus Sancti pro-
cessione differui, multa recitata sunt, ex quibus pariter
liquet subinductas semper a multis Constantinopoli-
tanis Pontificibus occasiones, ut Latini cum Græcis
diuersa sentire uiderētur, ut separata unitate Ecclesiæ
Catholicæ, ipsi in oriēte separatum primatum Eccle-
siarum constituerent, immemores eius Christi senten-
tiæ, dicētis, Omne regnum in se ipsum diuisum deso-
labitur, & domus supra domum cadet. Hæc ambitio
plurima mala simul coaceruauit, ut in processione San-
cti Spiritus, dum nos eum a filio, uos per filium pro-
cedere dicitis, idē per diuersa uerba sensus expressus,
diuersitatem fidei inducere crederetur. inde azimi, fer-
mentatique panis altercatio maxime superuacanea;
quasi aptus sacrificio panis uterque non sit, sicut uinū
idē in sacrificio cōuenit, & quod statim prælo emis-
sum in cado est, & quod in lacu cum racemis uinaceis
suo pariter calore concoquitur. Hinc de igne purga-
torio, de animarum statu dissensiones augentur. Qui-
bus malis omnibus ansas præbet ambitio, de qua su-
pradiximus, ut inter uos non solum de his omnibus,
sed de hoc ipso Romanæ Ecclesiæ principatu (de
quo nunc nobis sermo est) uaria, & diuersa sentiatis,
neque uobis ipsis plerunq; constet, quid sentire de-
beatis. eius rei causa est error affectatæ opīnionis, ua-
riis diuerticulis inuolutus, quæ ut a ueritate plurimū
aliena sunt, ita in maxime deuia, & diuersa uos retra-

hunc . ueritas enim , ut in uulgate prouerbio est, non
habet angulos, recta est, nuda est, æqualis, aperta, sibi
ipsi consona , unam dūtaxat in eadem re sententiam
enuntiat, mēdacium altera ex parte obliquis, & impli
citis, & inæqualibus, & obscuris, ac sibi ipsi contrariis
latibulis nitit, & uelut Protheus, aut Camæleon, nunc
faciem, nunc colorem uariat, & mutuatur. ideoq; elo/
quētissimus, & sanctissimus ille Chrysostomus, mēda/
ciū, inquit, μυρίοις παλαιῶτασμασι συσκευάζεσθαι. hoc
est mille uelamentis umbrari. ueritatē uero ὅτι μὴν ὡς
κεῖσθαι πᾶσι τοῖς βελομένοις αὐτῆς πλὴν ὧσαν περι/
σκοπεῖν . idest nudam se proponere omnibus suā pul/
chritudinem inspicere uolentibus. Ex quibus euenit,
Græci Patres, inter uestros Sacerdotes, & Monachos
ista contentio, ut in eadem re diuersi diuersa profe/
rant, quos dum ego sæpenumero percunctari soleo,
quid tandem de Romanæ sedis dignitate sentiant,
nonnulli stupent, torpent, Euangelio, Apostolis, San/
ctorum patrum authoritatibus, synodorum decretis,
constitutionibus Imperialibus, obturant aureis, & ue/
lut aspides surdæ non audiunt, ob id solū sedis Apo/
stolicæ principatui detrahūt, quia Romæ & ī Italia,
non Byzantii, aut in Græcia conspicuus est, hæc au/
tem doctrina multorum plebi addistorum est, qui
Sacerdotes cum sint, aut Monachi, multa in sacris le/
ctionibus, dum nihil intelligendo legentes negligunt,
& quasi legentes non legunt, sic etiam audientes non
audiunt, & diuersa sentientes diuerso opinionis erro/
re falluntur. præcipua autem horum professio est,

odium Latini nominis, horum religio est inter utranque Ecclesiam nutrire discordias, & rudes, ac simplices contra Romanam Ecclesiam irritare, hi sunt, de quibus ait Paulus Apostolus, inobedientes, uaniloqui, seductores, qui domos omnes inuertunt, docentes ea, quæ non oportet. Alii, paucos nonnullos ex Romanis antiquis Pontificibus recipiunt, & ueros uniuersalis Ecclesiæ Pastores fuisse non negant, puta Syluestrum, Leonem, Gregorium, & cur hos non recipiant, quorum usque in hanc diem festa, & cærimonias celebrant? & in eorum officiis summos orthodoxæ fidei Pontifices καὶ τῆς ἀποστολικῆς ἐκκλησίας κορυφαίους προέδρους concinunt? Alii & Ecclesiasticæ historiæ ueritate, & Sanctorum Græcorum authoritatibus uicti, principatum Ecclesiarum Romano Pontifici tribuendum esse non negant, & Petri successores recte dici consentiunt. Principatum autem hunc, in solis Ecclesiasticarum litium iudiciis contineri dicunt, puta si altera quæpiam particularis Ecclesia, cum altera de re spiritali tantum litiget, prouocationem ad Romanum Pontificem recte haberi, quæ præter hæc aguntur, non esse Christianæ institutionis, sed professionis tyrannicæ, quæ ob temporalis potestatis studium, spiritalium rerum ordinem, & curam inuertat. damnant præterea, & pro hæreticis censent eos, qui de plenitudine potestatis Romani Pontificis non ad ueritatem, sed ad gratiam, & assentationem consuluerunt, atque scripserunt. Alii postremo cum iis, quos

primo loco attulimus, fere sentientes Romanam sedē aliquando legitimam, & primam in toto terrarū orbe extitisse affirmant, sed propter ingētia præteritorum Pontificū scelera, & quia Romani Pontificis electio iam a multis annis non fuerit libera, sed modo armis, sæpius pecuniis, symoniaca prauitate aptissime corrupta, amisisse prorsus omnem principatus Apostolici prærogatiuā, & dignitatē. Atq; hæc fere uulgatior inter uos opinio est, quæ ipsa quoq; falsissima est, ut mox ostendemus. Sic ergo in his errorum diuerticulis Orientalis Ecclesia tumultuatur, & scinditur, quia relictis Sanctorum Patrum institutis sese uulgas in ea refacit iudicem. sequiturq; id, quod a Marone dictū est. σκίζεται ἀντιπαλλοὺς εἰς σπουδαῖς ἀνῆμος ἀνῆλος, idest Scinditur incertū studia in cōtraria uulgas. Sed non uelimus, quæso, Græci patres, sapiētes esse apud nosmet ipsos, neque apud uulgas. Nam qui insipientibus sapientes uideri uolunt, stulti sapientibus uidentur. Primū igitur eos, qui culmen sedis Apostolicæ, quia Romæ, & in Italia celebratur, odio prosequuntur, refellere superuacū est, quinimmo melius, & sanctius, & Christianæ professioni conuenientius existimo, ut pro eorum insipientia, & pertinacia Deum rogemus, ut membra capiti consentiant, & obsequantur, comescantiurgia, & contumelias, neq; iterum Christum in suis successoribus crucifigant, sed resipiscāt, & uideāt in quem transfixerunt. Eos uero, qui aliquos ex Romanis Pontificibus excipiunt, & reliquos respuunt, quasi non & ipsi quoq; cum Syluestro, Leone, & Gregorio

inter Sāctos relati sint, facillimum est conuincere. uideant quam parum sibi constent. Quot enim ante eos Romani Pontifices fuere, non solum uita, & doctrina, sed martyrio etiam insignes, post Clementem, & Linū usq; ad Syluestri & etiam Gregorii tēpora. Vana profecto est de re tā certa disputatio. Prætereo quod in Oriētali Ecclesia sanctissimi, & doctissimi patres, contraria huic assertioni nō tam scriptis, quā exemplis, & re ipsa docuerūt. nā præter eos Romanos Pontifices, quorum præcipue nūc apud Græcos festis solēnitatibus celebris est memoria, nōne post Syluestrū Iulius, & Liberius ab Athanasio, Celestinus a Cyrillo, Innocētius a Chrysostomo, Martinus a Maximo, Nicolaus ab Ignatio summi & ueri Apostolicæ uniuersalis Ecclesiæ Pontifices existimati sunt? hi enim omnes uiri sanctissimi Athanasius, Cyrillus, Chrysostomus, Maximus, Ignatius a propriis sedibus Episcopalibus eiekti, siue dignitatibus iniquorum perfidia iniuste spoliati, Romanorū Pontificū auxiliis tutati, atq; seruati sunt. Eos, qui tertio loco principatum Ecclesiarum Romano Pontifici tribuendum esse non negant, sed in principatu limites & metas statuere uolūt, qua parte principatum fatētur, neq; Euangelicis, & Apostolicis decretis obturāt aureis, laudare summopere & approbare conuenit, docendi tamen sunt, atq; in Christi charitate admonendi, ne seipsos iudices faciāt Pontificiæ facultatis, & dignitatis, sanctos, & doctos Patres consulant, sacra decreta, & statuta non respuant, eos tantum audiant, qui de Pontificum Romanorum autoritate

non ad gratiam, non ad assentationem, sed ad ueritatem Christi consuluerunt. Hoc & Latini, atq; Occidentales omnes faciunt, qui non omnia passim, ac temere scripta hac in parte comprobant, sed ea duntaxat, quæ Christianæ fidei rectitudini consentire uidetur, sicut neque in Pontificibus ea laudant, quæ mali exempli plerunque sunt, sed ea, quæ a Christiana professione non aliena cēsentur. Sed quid ad eos postremo loco dicemus, qui sibi ipsis sapientius sentire uidetur, dum aiunt Romanam Ecclesiam principatum quidē Ecclesiarum antiquis temporibus habuisse, sed postea oppressam sceleribus eorum, qui in ea indigne sederunt, præsertim uersa in apertam Tyrānidem potestate, ueram Christianæ præminentiae dignitatem amisisse. Equidē libenter ego ab iis mihi explicari uelim, cur Romanam sedem spoliandam, atq; exauthorandā culmine suæ dignitatis putāt, quia in ea sederint Pontifices electi malis artibus, & malis etiam moribus infames, & id quod potissimum obiiciūt, quia in ea aliquando etiam foemina dolo sedisse dicatur. Constantinopolitanam autem sedem nullam de sua existimatione iacturam fecisse dicunt, in qua sederunt tot hæretici, Nestorius, Macedonius, Eutyches, Macarius, ex qua expulsus Ioannes Chrysostomus, expulsus Ignatius, nolo cætera psequi. Liquet uobis satis, ex uestris historiis, quanti in ea sæpe turbines fuerint. nolo singulorum scelera recensere, quæ tacenda potius, & obtegenda sunt, quam scriptis etiam referenda, aut promulganda. Culpātur solū a Latinis ii, q in ea indigne sederunt,

federunt, & qui sanctos ex ea uiros ui, & insidiis expul-
lerunt, nulla ob id dignitas a sede detrahitur, sed in
sua ueneratione seruator, & licet ab infideli principe
Constantinopolitanum occupetur imperium, Patriar-
chalis tamen dignitas in honore habetur, & colitur,
secunda post Romanam existimatur, & nouo etiam
decreto augendæ prærogatiuæ causa, non nisi Cardi-
nalibus confertur, & cæteris bonis extinctis ipsum ta-
men nomen Constantinopolitanæ Ecclesiæ cū omni
præfatione honoris excipitur, & ab occidentali Eccle-
sia in sua dignitate, & ueneratione seruator. Merito
Magnus ille Constantinus, cuius apud uos tam cele-
bre nomen est, ut etiam in sanctorum catalogo a uo-
bis positus ueneratione dignus existimet, quod ipse
iudicium de sedis Romanæ principatu fecerit, satis
liquet, neque hoc loco uobis trita, & uulgata decreta
referre in animo est, in quibus licet nonnulla a multis
addita, & conficta dici soleant, illud tamen ex omni-
bus historiis sine ulla ambiguitate apud omnes con-
fessum & certum est, post maximas, atq; incredibiles
persecutiones, q̃ sub hoc primum principe Christia-
num nomen respirare cœpit, & uires colligere, dum
Syluestrum summū pontificem Christi Ecclesiæ ca-
put agnouit, & coluit tot Romæ cōstructis basilicis,
tot honoribus, tot muneribus uiro sanctissimo exhi-
bitis, ut in illo non solum principatum Ecclesiæ uni-
uersalis esse uoluerit, sed fere relictā Vrbe aurum, &
gemmas, & ipsam augustalem purpurā Christi Vicar-
io cessisse uisus sit, in cuius signo hostes uicerat, &

liberator Urbis, ac quietis fundator appellari erecto
Romæ eo, quod nunc extat, trophæo inuerit, quā
uis deinde infectis sæpius Arriana impietate Constan
tini successoribus, qui persequi Romanos sæpe Pon
tifices non destiteret, tandem sedes illa augusta, & pri
ma in orbe terrarum Deo iubente, Christi Regis Re
gum successoribus cessit, & inter multos rerum turbi
nes principatum Apostolicæ dignitatis inconcussa
seruauit. Nihil profecto Græci patres, nihil prorsus
nouum decreuit Florentina synodus, quæ consentien
tibus Græcis Romanæ sedi detulit principatum, Con
stātinopolitanis simul Imperatore, & Patriarcha de
cernentibus, atque iubentibus, quam synodum, quia
multi ex uestris irritante Marco Ephesino Episcopo
non exceperunt, pauca uobis afferam ex uestris autho
ribus fidedignissimis, quorum in coelis cum Christo
triumphus est, & in terris nobiscum æterna memoria.
Quos enim ego uobis alios testes afferam, quam eos,
quorum dicta sancta, & uera creditis? & quorum
merito anniuersaria festa celebratis? prodeat primū
diuinissimus ille Cyrillus, de quo in quarta synodo sic
legitur. πιστεύομεν ὡς ἡ ἀλήθεια τοῦ πατρὸς κυρίου
μνήμη πιστεύει, καὶ ὁ μὴ τούτῳ πιστῶν ἀνάθεμα ἔστω. idest
Credamus sicut æterna Cyrilli memoria credit, &
qui huic non credit, anathema sit. hic autem in li
bro Thesaurorum suorum sic ait, λέγει ἡμᾶς ὡς μέλη
ἐμμένειν τῇ κεφαλῇ ἡμῶν τῷ τῆς ἐξουσίας ἀρχιερω καὶ
τῷ ἀποστολικῷ θρόνῳ, ἀφ' οὗ ἡμέτερόν ἐστι ζῆτῆσαι, τί
πιστεύειν, καὶ τί ἀποδέχασθαι μέλλομεν καὶ κρατεῖν, ὅτι αὐτῷ

μόνον εἶναι, ἐλέγχιν, ἐπὶ αἰορθοῦν, ἐπιτιμαῖν, ἐπικυροῦν,
διατιθέναι, λύειν, καὶ δεσμεῖν. idest oportet nos tanquā
membra manere in capite nostro Romano Pontifi-
ce, & Apostolico throno, a quo nostrum est quære-
re, quid credere, quid opinari, quid tenere debeamus,
quia ipsius solum est redarguere, dirigere, reprehē-
dere, confirmare, disponere, soluere, & ligare. Chryso-
stomus autem ille nitidissimū sydus orientalis Eccle-
siae manifestissime indicat Graeci Patres quanto in
errore uersentur uestri homines, qui principatū Apo-
stolatus Petro denegant, ne eum quoq; in Petri suc-
cessoribus fateantur. hic enim super Ioānem Euange-
listam in postrema homelia, ubi de Iacobo, & Petro
dissertit, & quaerit, cur Petrum in Hierosolymis cura-
torem, & Antistitem Ecclesiae non elegerit, sed Iaco-
bum, sic respondet, ὅτι δὲ λέγει τις πῶς οἷν ὁ ἱεροσολί-
τις θρόνον ἔλαβε τῶν ἱεροσολύμων ἐκείν' ἂν εἴπωμι, ὅτι
τοῦτον ποιεῖ τὸν πατέρα τῆς οἰκουμένης ἐχθροτάτησε δι-
αλάσματος. idest, si autem dixerit quispiam, cur Iaco-
bus sedem Hierosolimitanā sit consecutus, illud ego
sane asseruerim, quia Petrum orbis terrarum magi-
strum elegerat. Quod etiam Dionysii Areopagitæ
uiri in doctrina, & sanctitate, ac martyrio eminentissi-
mi aperte ostenditur in libro de diuinis nominibus,
utrunq; Apostolum Iacobum scilicet, & Petrum no-
minat, Iacobum fratrem domini, Petrum uero supre-
mum inter Apostolos uocat his uerbis. παρὶν δὲ καὶ
ὁ ἀδελφός ἐστι ἀκωβος, καὶ πέτρος ἡ κορυφαία καὶ πρεσβυ-
τάτη τῶν θεολόγων ἀνερέτης, idest aderat frater domini

Iacobus, adērat Petrus supremus, & uenerabilissimus
apex theologorum. Theologos autem Apostolos no
minat Ioānes Damascenus in uita Barlahā, & Ioasaph
sanctorū Indiæ, sic ait, ἔφυγεν ὁ πoλέμιος διαβoλος
ἀισχυθεὶς τῇ μετανόια τῷ πέτρῳ. ὃ δὲ κορυφαῖος αὐθις
ἦν ὡς περ διασκαλός τῆς οἰκουμένης χερσπονηθεὶς. idest,
fugam coepit hostis diabolus Petri poenitentia con
fusus, hic autem subinde supremus doctor orbis ter
rarum electus est. Idem etiam Damascenus in sermo
ne transfigurationis Christi apertius idem explicat di
cēs πέτρον τῇ τῷ θεοῦ προγνωστέῳ προσωρισμένον τῆς ἐκκλη
σίας πρόεδρον ἐπάξιον. idest, Petrū diuina prouiden
tia merito præordinatum Ecclesiæ præsidem. cum
dixit Ecclesiam, nullā nominatim localem expressit,
sed intellexit uniuersalē, cuius proprie πρόεδρος nun
cupatur, particularium enim Ecclesiæ non πρόεδροι,
sed ἀρχιερεῖς, siue Episcopi dicunt. Sed audite quæso
sanctissimum monachum Maximū quid respondeat
Theodosio Cæsareæ episcopo quærenti quomodo
in Christo duæ naturæ, duæ uoluntates, & duæ ope
rationes poni debeāt. sic enim loquitur, λέσσωτα ἐγὼ
οὐ πολὺν χρόνον ἀείκασθαι συγκατάθεσιν παρ' ὑμῶν ἐγγράφου
περὶ τούτου πράγματος φίλος ὑπάρχων μοναχός, ἀλλ' ἐν
πεί με πενήνυεν ὑμᾶς ὁ θεὸς τὰς τῶν ἁγίων πατέρων λέ
ξασθαι φωνὰς, καθὼς ἀπαίτει ὁ κανὼν πρὸς τὸν ῥώμης περὶ
τούτου ἐγγράφως ἀποστείλατε. ego inquit, domine con
scriptam a uobis depositionem accipere non ausim,
cum exilis sim monachus. Sed postea quā uos com
punxit Deus, ut sanctorū patrum uoces exciperetis,

quemadmodum canones requirunt, ad Romanum Pontificem de ea re conscripta remittite, & paulo post subdit idem author pro eadem re de Imperatore, & Patriarcha Constantinopolitano loquens ait, *ποιήσωσιν ὁμοῦ κέλευσιν παρακλητικὴν, ἢ συνοδικὴν λέγουσιν πρὸς τὸν πάπαν ῥώμης.* idest, faciant inuitatā conuocationē, siue synodalem supplicationē ad Papam Romæ. Videte quæso Græci patres quid dicat beatus & sanctus Maximus in uniuersa Oriētali Ecclesia ob doctrinā, & sanctitatem uitæ merito decantatus, cuius etiam discipulus Anastasius uir sanctissimus, cū Martinum Pontificem nominat, summi honoris præfatione utitur, dicens *ἄκρον ἀρχιερέα πανάγιον καὶ κορυφαῖον ἀποστολικὸν πάπαν, καὶ μάρτυρα.* idest, summum Pontificem & supremum Apostolicū Papam, & martyrem. Sed podeat quæso Græci Patres sanctus ille Stephanus, quem νέον appellatis, cuius etiam celebritatem uigesimaseptima Septembris die celebratis, & eius uitam a Simeone Metaphraste conscriptam pro more in Ecclesiis legitis, nonne hic Romanæ sedis dignitatem contra hæreticos extollit, & sine consensu, & autoritate Romani Pontificis conuocatū concilium de abrogandis imaginibus damnat, nec concilium œcumenicum ullo pacto uocari uult? nam cum recitaretur eius concilii decretum, & œcumenicum diceretur *βεβοηκώς ὁ ἅγιος στέφανος φησὶν, ὡς τῆς ἀγνοίας, ὡς τῆς ἀποπίας, πῶς δὲ καὶ οἰκουμένην ἂν κλιθεῖν σύνοδος, ἐφ' ἣ οὐχ ὁ ῥώμης ἀλόκησε πρόεδρος, οὐ χωρὶς ἀδύνατον πάντως τὰ ἐκκλησιαστικά, κανονίζεισθαι,* idest, exclamare

mans sanctus Stephanus ait, o ignorantiam, o absurditatem, & quomodo synodus hæc œcumenica uocatur, quam Romæ præsidens non approbavit. sine quo impossibile prorsus est, res ecclesiasticas regulari. Libet profecto mihi pariter cum uiro sanctissimo exclamare, & eorum inscitiam, atq; absurditatē detestari, qui cum hæc ipsa inter diuina officia legant, & recipiant, non animaduertūt, quantum sibi ipsis repugnent, dum contra id sentiunt, quod profitentur. Nolo Leonis, & Gregorii, authoritates asserere, ne cum ipsi fuerint summi Pontifices, testes eos in propria causa adduxisse uidear, alioquin etiam apud uos utriusq; testimonium fide dignissimum haberi poterat, quando uiros sanctissimos, & Christianæ doctrinæ maximos præceptores Oriëntalis Ecclesia celebrat, iis que anni uersarios dies festos dedicat non minus quàm Latina, & occidentalis Ecclesia. Hos ergo una cum iis, quos supra adduximus, sequamini Græci Patres, iis credite. Qui enim iis non credunt, quomodo in Christum credent? hi sunt, quos Christus uelut angelicæ ueritatis lumina super candelabrum posuit, ut in eorum splendore ambularemus. Hos igitur omni feruore mentis excipite, his adhærete, fugite inobediētes, & seductores, & ineruditos in humilitate Christi, qui se Catholicos dici dedignantur, qui nolunt obsequi Vicario Christi, cui reges, & principes colla submittūt, & quæ ad motis ad pedes osculis uenerantur, certam spem fouentes, ut qui se Christi Vicario in terris humiliant, a Christo bonorum omnium largitore in cœlis exal-

tabuntur. Neque uos terreat, quod indigni plerunq;
sint, quibus tantus honos exhibeatur, quia nemo suis
meritis, sed diuina uoluntate ad id culmen euehitur.
In magnam abyssum incidunt, qui causas explorare
nituntur, quibus iudicent, quid uelit, aut quid permit
tat Deus. Nostrum est diuinæ potestati non resiste
re, sed obedire. Christo igitur hac in parte nos admo
nente, super cathedram sedentibus deferamus hono
rem, & quæ nobis ex eorum officio dixerint, exequa
mur, sed si mali sunt, nihil secundum eorum opera
faciamus.

F I N I S.

Romæ in ædibus F. Minitii Calui
Mense Ianuario, M. D. XXV.